

اعتصام

۲۷ رمضان سنة ۱۳۳۷

۲۶ حزيران سنة ۱۳۳۵

{ منافع عامية مزاجية مجموعة اسلامية در }

نصائح قرآنية

عمر لصوحي

جاهليت دورنده نه کي عاملر واردی ؟

طاغیر المولوی

تسترسوانك شرعاً و منطقاً و وجداناً لزومی

کرد مصطفی

رمضانده صائلمرله مفرطلر ا

ا . ك

محترم بر حضوره

حافظ عبدالله عرفان

محل اداره : فاتح - اعتصام

فیثانی (۵) غروشدرد

۱۳۳۴

مدیر مسئول
احمد شیرانی
❦

صاحب امتیاز
احمد شیرانی
❦

اعتصم

❦ واعتصموا ❦

۲۲۲ حیران
سنه ۱۳۳۵

{ هر پنجشنبه کونی نشر اول نور }

۲۷ رمضان
سنه ۱۳۳۷

نصایح قرآنیہ

پکن نسخه دن مایند : ۱۷ شعب

درسز اولان آیت جلیلہ ده کی نور الہیدن مقصد : قرآن عظیم الشان ایله
سید الانبیا حضرت تلرینک رسالت سفیلری اولدیغنه کلنجہ شہہ یوق کہ خصمای دین
بو نور عالمشمول سوندرمک ایچون پک چوق چالیشمش ، بو شمس لاهوتینک
افولنه پک چوق مترقب بولمشدر . فقط :

• اعداسنک آجاقانی ایتدیجہ توالی
ایلر او ضیا کستر آفاق لعالی ،

مضموننجہ خاتم الانبیا حضرت تلرینک طرف سببحانیدن تلقی بیوردینی قران
عظیم الشان ایله دین مبین اسلام ؛ دشمنلرک اولانجہ تهاجنه رغماً دها بارلاق . دها
علوی تجلیاتہ مظهر اولمش ، هیچ بر وقت سونمه مش و سونمه جکدر .
شہہ یوق کہ قرآن کریم مرتبہ اعجازی حائرده ، مثلنی کتیر مکدن بتون ارباب
عقول عاجزدر . متضمن اولدینی حقایق لطیفہ : محتوی بولندینی احکام جلیلہ مردرلو
یوکسکلک فوقندہدر ، فصاحت و بلاغت اعتباریلہ ، نزاهت و سلاست جہتیہ بتون
بلغای عربی مبہوت برافشددر : جناب آلہی توحید و تزیہہ ، انبیای عظامہ

تجیل و تزکیه به ، اخلاق فاضله انسانیه بی امر و تبلیغه ، مساوی و رزائلدن نهی و تحذیره ، حقایق علویه مکنوناتی تعلیم و تنذیه متدائر اولان بتون آیات ینسانی الک منور حکمای حیرتله مستغرق ابدیه جگ درجده محاسن سرمدیه بی جاسدو

ایشته بو قدر حائر معالی اولان بر کلام علویت انسانی محروافنایه چالیدمان اعدای دین ، البته که بوکا ظفریاب اوله مامش و اوله میه جقدر . دائماً (اما نحن نزلنا الذکر ...) آیت جلیله سنک حکمی لامعه نثار اوله جقدر .

ایشته قرآن معجز بیان بویه فادن مصون اولنجه آنک تلقین ایتدیکی دین منیر اسلامده بی شبهه ابدیاً محفوظ قاله جقدر .

عصر سعادتن زمانغزه قدر مخالف سورتله عالم اسلامه قارشو یاپیلان اعتراضات و تهاجمات ، عموماً دین اسلامی سوندرمک ، کره زمین بو نور لطیفک اشعه فیضندن محروم بر افاق مقصدینه مبتدیر .

• بر شاعر مزک :

جمعی سیر ایت کیدیور سانیک جهاده
دین غیرتی سوق ایتمش آنی فتح بلاده
طوفان جنون دینسه بو طغیان سزادر
هم قهقهه سزا طوغریبی هم کریه فزادر
آلدفلی هر ناحیه بر مسلحه دوندی
قالدقلمی هر بلاده بیک طائله سوندی

یتلری بونلرک نه کی حرکات خونریزانه بولاندقلمی بک کوزل تصویر
ایتمکده در . فقط بونلرک بو چیرکین حرکتلمی صولتاری قلنج ارسلان کی و :

شایسته تقدیسین ای مود قدر زور
ایتدک او قضا اردولرین رجعته مجبور
تیغکله قازاندک ایدی شعله بر نام
ملت سکا دیر حشره قدر حامی اسلام

مدیحه سینه بحق سزاوار اولان صلاح الدین ابوبی کی اسلام قهرمانلری شک
سیف سطور اوکند اریمش ، او قوس قوسه دشمن اردولری محو
و پریشان اولمشدر .

مع التأسف حالا عالم انسانیتده بوحس تعصب اثرلری مشاهده اولونمقدهدر .
مع هذا خصائصك توالی ایدن بو هجوملری کؤکبه اسلامیه بی اصلاً اقول ایتدی .
میه جکدر . سهای اسلامی احاطه ایدن مظلم بلوطلر او شمس حقیقتک الی الابد هر
طرفدن نشر ضیا اقمه سینه مانع اوله میه جکدر . البته که اونیر معالی ینسه اولانجه
رونقیله ، اولانجه قدسیقیله بتون آفاقه شمعقه هدایت نشاری نشرده دوام
ایده جکدر .

[لا ینفک تغلب الذین . . ؟]

اوت فیاض کریم حضرتلری مشرک لک خوشنه کیشسون کیشسون رسول نجیبی
اعزاز ، دینی کندیسنه مخالف اولان بتون ایمان اوزرینسه اعلا ایچون ذات
رسالت اهلربی معجزات ایله ، دین حقیقت رهین ایله ارسال بیوردیغی :
[هو الذی ارسل رسوله بالهدی . . .] آیت جلیله سبیله بیان بیوریور . او حالده
شبهه یوق که ساطنت نبویه اولانجه نورانیته عالم انسانیتی احاطه ایده جک ، دین
مبین اسلامک بتون ایمان ساثره اوزرینسه غالبی نظاهر ایله جکدر ،
نته کیمده ایتمشدر .

معلومدر که رسالت اب انقذیمز میلادک ۵۷۰ سنه بی مکّه مکرمده مهد آرای
وجود اولدینی زمان عالم بشریت سراسر ظلمت و ضلالت ایچنده یوان اولیوردی .
عربستان قطعه سی ایکی طرفدن احاطه ایدن روما امپراطورانیله ابرادهمکی حکومت ساسانیه
دائما یکدیگریله محاربه ایدمک طرفیدن بر جوق قاتلر دوکیلور ، هر ایکی
حکومت ، انواع سفاقت و رذالت ایچنده یوارلانیور ، افراد بشریه فلاکت وجهالت
کابوسلری آلتده هر درلو ذوق حیاندن محروم بولنیوردی .
عرب قومی ایسه عربستان چولارنده رفاه و سعادتدن ، ضیاء علم و معرفتدن

محروم ، یکدیگر بک مال و خانه متعرض اوله رق یا شار؛ روم و ایران حکومتلرینه قارشو کمال مذلله باش ا کمندن قورنیه مازدی .

لکن و قنا که خورشید سمای وحدت اولان بی صاحب سعادت افندیز پرتو باش ظهور اوله رق حقایق جلیله اسلامی بی اشره باشلادی در حال قوم نجیب عرب بر فیض خارق العاده مظهر اوله رق آزر بر زمان طرفنده جهانک الک بیوک حکومتلری کنندی سطوت و حاکمیتلرینه باش ا کبردی؛ بتون عالمه اشرمدنیت ایدرک بشریت شهره حقیقتی ارائیه موفقی اولدیلر . سا کن اوله قلی هر بلده بی اعمار ایتدیلر ، و جوده کثیر دکلی هر مؤسسه علمییه بتون شرق و غرب متفکر لری . ارباب تحصیل ایچون سنه لرجه بر دارالفیض و هرفان کسبیلدی ، تألیفه موفقی اوله قلی هر اثر بدیع، شرق و غربک الک بیوک دارالفنونلرنده عصر لرجه تدریس ایدلدی .

حاصلی اکمل الادیان اولان دین مبین اسلام : هیچ کیمسه نك تضییق ، هیچ کیمسه نك جبر و تهدیدی اولمق سزین توسع ایتیش ، بشرتی فیض سماویسنه تسخیر ایدرک کندیسنه جذب ایلشدر . منع انتشاری مقصدیله اقوام سائر طرفندن وجوده کتریان بیک درلو مؤسسات دیفه و سیاسیه بو دین مبینک هندده ، چینده ، افریقا کی برچوق یرلرده سرعت انتشارینه مانع اوله مامشدر .

چونکه دین جلیل اسلام ، خرافات و اساطیردن بری ، قواعد اخوت و مساواتی حاوی ، جنسیت و قومیت داعیه جاهلانیه سنه مانع ، الک کوزل قواعد اخلاقیه و حکم اجتماعی بی حازدر ؛ منتسبلرینی دائماً تحصیل علوم و فنونه سائق ، کشفیات حقیقه فنییه غیر منافیدر .

بناء علیه بویه بر دین جلیلک ادیان سائر اوزرینه قفوق ایدمجبکی ، انسانیتک یکانه بر دین فطریسی اوله جنی وارسته شهه در . [ان الدین عندالله الاسلام] بر کره زمان نبویه کی انقلابات عظیمه بی فکر ایتلی ؛ بر کره خلفای راشدین حضرتلرینک زمان خلافتلرنده کی فتوحات جسمیه نك عظمتی دوشنمیلی ؛ بر کره امویه و عباسیه دور سلطنتلرنده کی ممالک اسلامییه نك وسعتی ، اهالی اسلامییه نك رفاه و سعادت ،

علوم و فنون متنوعه نك شمه خارق العاده سنی تصور ایتلی؛ از جمله دولت عثمانیه نك دور اعتلا سنده کی سطاوت اسلامیه نك درجه ممتنی کوز اوکنه کثیرملی بتون بو خارقار، بوغالیتلر اسلامیتک فیض لاهوتیه سابه سنده دکلدر؟ ..

ایشته بو قدر خارقار و جوده کتیرن بر دینک مانع ترقی اولدیفنی، سعادت بشریه نی تأمیننه کافی اولمادیعی ادعا ایتک قدر بر جهات تصور اولنه ماز. او حالده بو کونکی کون کره ارض اوزرنده یاشایان ملیونلرجه اهل اسلامک بحق مستقل حکومتلره مالک اولمایه رق اولک بونک حمایه سنده بولمیرنک، دوچار عجز و سفالت اولمیرنک سبی نه در؟ . بوجهتی تحریر ایدنجه مع لناسف کوررزه اهل اسلامه توجه ایدن بتون بولایانک، بتون بو شکائب و فجاعت یکنه سبی احکام جلیله دینه بحق رعایت، حقایق علویه اسلامیه کابیننی اعلا نظر ایده میشمزدر. آنک ایچون دایما تأدیب الاهییه معروض بولنبورز. [ازالاه لایغیر مابقوم . . .]

ایشته بزم بو عجز مزی، بزم بو حرکت خافلانہ مزی کورن اقوام غریبه بزری تحوطه ایده حک یرده قصور، دینزه عطف ایدرک دینرک مانع ترقی و تمدن اولدیفنی اعدادن چکنمبور، حقیقت اسلامیه کسب و قوف ایده مین بعض کنجلمزده بالای تقلید ایله بو دعایه اشتراکدن کنیدلریخی آله میسرلر .

اسلام ایمش دولته یاسد رقی

اول یوق ایدی اشبور وایت بیکی جیققدی

برملت که منسوب اولدینی دینک حقایقه مطلع اولماز، برملت که دینک محاسن عالییه سیله تحلی به چالیشماز . برملت که آداب ملیه سنی آیارلر آلتنه آلمقدن، تابع اولدینی شریعتک نهی اشدیکی فضایل اخلاقیه نی ارتکابدن توقی ایتمز آرتق اولمک نسل ترقی و تعالی به مظهر ولور؟ . و نسل اولورده اولمکت هر درلو فیض و ترقیدن محرومیتی منسوب اولدینی دینه اسناد ایدیلر؟ ..

بقدر سعی یاید هر کس از فیض خدا بهره

اگر ظرف و کم کرد کتناهی نیست دریا را

ای ملت اسلامیه ! . آرتق اویانم؛ دینزه متفقاً صاریلهلم؛ اولدکدن صوکره

اویانمەنك فائده ویرمه جگنی آکلا بهلم ؛ هیچ اولمازسه شو معروض بولند یغمز حال
احتضارده قلیلریمزی درگاه الوهینه قارشو توجیه ایدرك نائب و مستغفر اولم ؛ بلکه
لطف ازلیسنك پرورده سی اولدیغمز الله عظیم الشانك عفو و سبوحانینه مظهر اوله رق
شو بادره اضمحلالدن خلاص اولورز . [ربنا آتنا فی الدنیا حسنة و فی الآخرة حسنة
و قنا عذاب النار] آمین .

فتح درسماملرندن : عمر نصوحی

جاهلیت دورنده نه کبی علملر واردی ؟

بکن نخه دن مابعد :

کهنه مشهوردن بریده (سواد بن قارب) ایدی که حضور بیغمیری به کلوب
مسلمان اولمش و :

اتانی رئی بعد هذه ورقدة	ولم يك فيما بلوت بكاذب
ثلاث لبال قوله كل ليلة	اناك رسول من لوقي بن غالب
فشمرت عن ساقی الازار ووسطت	بی الذعلب انوجناء بین السباب
فاشهد ان الله لارب غیره	وانك مأمون على كل غائب
وانك ادنی المرسلین وسیلة	الی الله یا ابن الاكرمين الاطایب
فرنا بما یأتیک یاخیر مرسل	وان كان فيما جاء شیء لذوائب

وكن لی شفیعاً یوم لا ذو شفاعة

سواك یغفر عن سواد بن قارب

بیلرخی او قویوب ، افکعت یاسواد ، التفاتی قازانمشدی .

کهات حقنده علمای اسلامیهنك خلاصة اقوالی : کاهنلرندن جنبلردن ملهم
اولماسی و بعض خصوصاتده قفرس و تخمین صورتیه کشفیاتده بولماسیدر .
فراست مسئله سی ؛ فرط ذکادن ایلری کلدیکی جهته پک طبیعی بر حالدر حتی